

六經同卷

佛說造塔功德經

佛說不增不減經

佛說堅固女經

佛說大乘流轉諸有經

佛說大意經

受持七佛名號所生功德經

維九

造塔功德經序

翻經沙門釋圓洲撰

夫塔者梵之稱譯者謂之墳或方或圓厥製多緒乍琢乍璞文質異宜並以封樹遺靈局鈴法藏冀表河砂之德庶酬塵劫之勞豈伊弓劒衣冠言申永慕禹陵孔壁用顯緘藏而已哉將有量等大千覆三界而高梵世取均菴果偶棗葉而譬針鋒洪纖兩途福應無二大小千計淨心終一何只黃金白玉架迫爭暉火齊水精浮空競彩夕震祥飆之響入鏤

鐸以流清晨霏仙露之甘上彫盤以凝法至

乃位隆三果勲重四禪高升有頂之宮行屆

無災之地斯教之弘旨也此經以永隆元年

冬十一月十五日請天竺法師地婆訶羅

此言

照與西明寺沙門圓測等五人於弘福道場

奉詔宣譯至其年十二月八日終其文義庶

斯法寶周給大千俾彼慧燈照融三界云爾

佛說造塔功德經

唐中天竺三藏法師地婆訶羅奉 勅譯

如是我聞一時佛在忉利天宮白玉座上與
大比丘大菩薩等及彼天主無量衆俱時大
梵天王那羅延天自在天及五乾闥婆王

經九

二

等各與眷屬俱來至佛所欲問如來造塔之
法及塔所生功德之量會中有菩薩名觀世
音知其意即從座起偏袒右肩右膝著地合
掌向佛而作是言世尊今此諸天乾闥婆等
故來至此欲請如來造塔之法及塔所生功

德之量惟願世尊為彼解說利益一切無量
衆生爾時世尊告觀世音菩薩言善男子若
此現在諸天衆等及未來世一切衆生隨所
在方未有塔處能於其中建立之者其狀高
妙出過三界乃至至小如菴羅果所有表刹
上至梵天乃至至小猶如針等所有輪蓋覆
彼大千乃至至小猶如棗葉於彼塔內藏掩
如來所有舍利髮牙髭爪下至一分或置如
來所有法藏十二部經下下至於一四句偈
其人功德如彼梵天命終之後生於梵世於

彼壽盡生五淨居與彼諸天等無有異善男
子如我所說如是之事是彼塔量功德因緣
汝諸天等應當修學爾時觀世音菩薩復白
佛言世尊如向所說安置舍利及以法藏我
已受持不審如來四句之義惟願為我分別
維九
演說爾時世尊說是偈言
三
諸法因緣生 我說是因緣 因緣盡故滅
我作如是說
善男子如是偈義名佛法身汝當書寫置彼
塔內何以故一切因緣及所生法性空寂故

是故我說名爲法身若有衆生解了如是因緣之義當知是人即爲見佛爾時觀世音菩薩及彼諸天一切大衆乾闥婆等聞佛所說皆大歡喜信受奉行

佛說造塔功德經

佛說不增不減經

元魏天竺三藏菩提留支譯

如是我聞一時婆伽婆住王舍城耆闍崛山中與大比丘衆千二百五十人俱諸菩薩摩訶薩無量無邊不可稱計爾時慧命舍利弗

於大衆中即從座起前至佛所到已頂禮佛足退坐一面合掌白佛言世尊一切衆生從無始世來周旋六道往來三界於四生中輪迴生死受苦無窮世尊此衆生聚衆生海爲有增減爲無增減此義深隱我未能解若人問我當云何答爾時世尊告舍利弗善哉善哉舍利弗汝爲安隱一切衆生安樂一切衆生憐愍一切衆生利益一切衆生饒益安樂一切衆生諸天人故乃能問我是甚深義舍利弗汝若不問如來應供正遍知如是義者